

als der Rath mit dem Thomaskloster einen Vertrag wegen Errichtung der Nikolaischule abschloß. Die darüber noch vorhandene Urkunde lautet: „Nach Cristi vnserß lieben Herrn geburt M^o V^o eylff ihar hat eyn erbar radt zwo Lepzß an den probst vnd capittel zw s. Thomas gelangen lassen, sy werenn willens eyn pedogogium zwo bauen vff s. Niclauskirchoff, szo hette das closter dye kusterei do bey, die were hawfelligk; wo es dem closter zu dancke welten sie die alte kusterei zw dem pedogogium nemen vnd naue bauen unter eyn dach, sulde dem furstlichen contract vnd dem closter one schaden sein; welten das pedagogium vor yre stadtkynder haben, sulden die zucht, ere, syngen lernenn vnd studirn, das sye mit complirten. Hat der Propst Jakob Koler Doctor die zzeit in diese antwurt geben, her welde solche ire gute meynung seyn brudern des capittels zu erkennen geben vnd sy des mit eyner antwurt vorsorgen. Also hat der propst vnd capitel sulchen vorschlaß besunnen vnd bedacht vnd vf vier articke beschlossen. Wy wol das dem closter vnd der pfarrkyrchen zw besorgen mochte schaden zwfugen hat das closter disse yre gutte meynunge nachgelassen mit dysem anhang, das ein erbar radt das closter vorsorgenn sal mit eynem reversal das dysse nachgeschribene articke stetthe vnd veste gehalten vnd och mit gunst vnd willen der loblichen universität der doctoribus vnd der magistri wisse um willen vnd gunst ist, das dem burgemeister Bartholomäus Apt, burgemeister Belgishaynn vnd burgemeister Hans Leymbach rates wegen haben mit handt vnd munde zwgesaget, das wol außzurichten. Vnd das sind nhu die vier articke dy her nach folgen. Zwoim ersten das sich eyn erbar ratht keyner gerechtigkeit sich anmaßen sal noch vnterstehen durch yren haw yn der kusterei zu s. Niclaus zw nachteyl den furstlichen contract zwischen eym erbaren radt vnd dem convent des closters zu s. Thomas vff gericht im XIII^o vnd LXXIII ihare gescheen vff das Her unvorsert bleibe inn dem punct vnd an alles geferde. Der andere, das zwoene chorales der kyrchen dyner yn der selbigen kustery haben eyne bequeme Herberge vnd